



08. September 2023

UKA2023/73

Inatsisartut Suleriaasianni § 36 malillugu apeqquaqaat aallaavigalugu oqallinnissamik imaattumik siunnersuuteqarpunga:

Inatsisartunut qinersisarneq pillugu inatsit allanngortikkusunneraat, nunatsinni najugaqarsimanissamik piumasaqaatip sivitsorneqarsinnaanera pillugu apeqquaqaat aallaavigalugu oqallinnissamik siunnersuut.

(Inatsisartuni ilaasortaq Doris J. Jensen, Siumut)

Tunngavilersuut:

Inatsisartunut qinersisarneq pillugu Inatsisartut inatsisaat nr. 14, 24. november 2020-meersumi §1-imi ima allaqqasoqarpoq:

“Kinaluunniit qallunaatut innuttaassuseqartoq, 18-inik ukioqalereersimasoq qinersinissarluk sioqqullugu sivikinnerpaamik qaammatini arfinilinni Kalaallit Nunaanni aalajangersimasumik najugaqarsimasoq eqqartuussivikkoortumik Kalaallit Nunaanni atuuttussatut aalajangikkamik nammineersinnaajunnaarsitaasimangikkuni Inatsisartunut qinersisinnaatitaavoq”.

Inatsit taanna tunngavigalugu, avataaneersut Kalaallit Nunaannut nuukkunik, kalaallit kultooriannik ilisimasaqangikkaluarunilluunniit polikkimullu malinnaasimangikkaluarlutik ukiup affaannaa nunatsinniissimagunik qinersisinnaatitaanngortarput. Inatsit taanna Skandinaviami Danmarkip avataani nunanut qanigisatsinnut sanilliutissagaanni sukangasuutut isigineqarsinnaanngilaq. Taamaattumik inatsit una kingullermik allanngortinneqalermat partiit ilaannik kissaatigineqarsimagaluarpoq ukiut marluk imal. ukiut tallimat aatsaat najugaqaaqaarluni qinersisinnaatitaaneq atuutilissasoq.

Isumaqarpugut aaliangersimasumik najugaqarnermut nalunaarsorsinnaatitaanermut piumasaqaatip ukiunut marlunnut inissinneqarnissaa imminermi naapertuuttoq.

Oqallilluarisi.